



Халқ сўзи

Ўзбекистон – келажги буюк давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2015 йил 15 апрель, № 74 (6257) Чоршанба

Сайтмига ўтиш учун QR-коднинг телефонингиз орқали сканер қилинг.



Ўзбекистон Республикаси Президентининг ФАРМОНИ КЕКСАЛАРНИ ИЖТИМОЙ ХИМОЯ ҚИЛИШ ВА МОДДИЙ ҚўЛЛАБ-ҚУВВАТЛАШНИ ЯНАДА КУЧАЙТИРИШ БЎЙИЧА ҚўШИМЧА ЧОРА-ТАДБИРЛАР Тўғрисида

“Кексаларни эъзозлаш йили” Давлат дастурига мувофиқ ҳамда 100 ёшга тўлган ва ундан ошган шахсларга муносиб эътибор қаратиш, шунингдек, пенсионерлар, 1941 — 1945 йиллардаги уруш ва меҳнат фронти фахрийларини манзилли ижтимоий химоя қилиш ва моддий қўллаб-қувватлашни кучайтириш мақсадида:

1. 2015 йилнинг 1 майдан 100 ёшга тўлган ва ундан ошган фуқаролар пенсиясига ҳар ойда энг кам иш ҳақининг 100 фоизи миқдорда устама тўлаш белгилансин.
2. 2015 йилнинг 1 майдан уй-жой-коммунал хизматлар ҳақини тўлаш бўйича энг кам иш ҳақининг табақалаштирилган миқдорда ҳар ойда компенсация пул тўловлари берилмайдиган шахслар имтиёзли тоифаларининг янги рўйхати 1-иловага мувофиқ тасдиқлансин.
3. 2015 йил давомида 75 ёшга тўлган ва ундан ошган фуқаролардан тайинланган пенсия ва нафақаларнинг ҳисоблашни, шунингдек, қонунчиликда кўзда тутилган имтиёзларнинг қўлланилиши тўғрисидаги текшириш натижаларига кўра аниқланган ортиқча тўланган пенсия ва нафақалар миқдори ҳисобдан чиқарилсин.
4. 2015 йилнинг 1 майдан Ўзбекистон Республикаси Президентининг айрим фармонларига 2- ва 3-иловаларга мувофиқ тузатишлар киритилсин ва ўз кучини йўқотсин, деб топилсин.
5. Ўзбекистон Республикаси Молия вазирлиги манфаатдор вазирлик ва идоралар билан ҳамкорликда бир ой мuddатда:
 - Ўзбекистон Республикаси Вазирлар Маҳкамасига қонунчиликка маъзур Фармондан келиб чиқадиган ўзгариш ва қўшимчалар киритиш тўғрисида таклифлар киритсин;
 - идоравий меъёрий-ҳуқуқий ҳужжатларни ушбу Фармонга мувофиқлаштирсин.
 - 6. Мазкур Фармон ижросини назорат қилиш Ўзбекистон Республикасининг Бош вазири Ш. Мирзиёев зиммасига юклансин.

Ўзбекистон Республикаси Президенти И. КАРИМОВ

Тошкент шаҳри, 2015 йил 14 апрель

«ТАШАББУС — 2015»

Ўзбекистон Республикаси Президенти соврини учун тадбиркорлар, фермерлар ва хунармандлар ўртасида ўтказиладиган «Ташаббус — 2015» кўрик-танловининг туман (шаҳар) bosқичи бошланди.

Изланувчан ишбилармонларга беқиёс рағбат

Маълумки, истиқлол йилларида кичик бизнес ва хусусий тадбиркорлик, фермерлик ҳамда хунармандчилик соҳалари нафақат иқтисодий тизимнинг етакчи бўлини, балки давлатимиз ва жамиятимиз ривожига ҳал қилувчи аҳамиятга эга бўлган асосий қувага айланди. Айниқса, бозорни импорт ўрнини босувчи маҳсулот ҳамда хизматлар билан тўлдириб, экспорт салоҳиятини юксалтириш, аҳоли банд-

лигини таъминлашда уларнинг ҳиссаси салмоқли бўлмоқда. Бугунги кунда юртимизда фаолият кўрсатаётган кичик бизнес субъектларининг умумий сони 195 миңдан зиёд ташкил этиб, уларнинг ялпи ички маҳсулотни шакллантиришдаги улуши 2000 йилдан буён 31 фоиздан 56 фоизга ўсгани бунга асос бўла олади.

(Давоми 2-бетда.)

ИЛГОР ТИББИЙ УСКУНАЛАР, СИФАТЛИ ХИЗМАТЛАР

Пойтахтимиздаги “Ўзэкспомарказ” павильонларида “Соғлиқни сақлаш — ТИМЕ 2015”, “Фармацевтика саноати — AptekaExpo Central Asia 2015” ҳамда “Стоматология — Stomatology Uzbekistan 2015” халқаро кўргазмалари очилди.



Мазкур тадбирлар Ўзбекистон Республикаси Соғлиқни сақлаш, Ташқи иқтисодий алоқалар, инвестициялар ва савдо вазирликлари, Савдо-саноат палатаси, “Ўзфармасаноат” давлат-акциядорлик концерни, “Ўзтибтехника” масъулияти чекланган жамияти, Стоматологлар уюшмаси ҳамда “ITE Uzbekistan” халқаро кўргазма компанияси ҳамкорлигида ташкил этилди.

Уларда юртимизда аҳоли, хусусан, оналар ва болалар саломатлигини муҳофаза қилиш борасида ибратли ишлар амалга ошириладигани, мавжуд тиббиёт муассасаларининг

оптималь тармоғи яратилиб, улар энг илгор тиббий ускуналар билан жиҳозланиши натижасида тиббий хизмат кўрсатиш сифати тобора юксалтирилди.

КўРГАЗМА

либ бораётгани алоҳида таъкидланди. Давлатимиз раҳбарининг 2011 йил 28 ноябрда қабул қилинган “Соғлиқни сақлаш тизимини ислоҳ қилишни янада чуқурлаштириш чора-тадбирлари тўғрисида”ги қарори эса тиббиёт муассасалари фаолияти самарадорлигини оширишда муҳим аҳамият касб этмоқда.

Мамлакатимизда аҳолига бирламчи тиббий-профилактика хизмати, шошилинч ва ихтисослаштирилган тиббий ёрдам кўрсатиш, оналик ҳамда болаликни муҳофаза қилишнинг илгор тизими шакллантирилди. Вилоятларда ҳам замонавий диагностика марказлари ташкил этилди. Скрининг марказлари, туғуруқ мажмуалари, кўп тармоқли шифохоналар, ихтисослаштирилган тиббиёт муассасалари аҳоли саломатлигини мустаҳкамлашга хизмат қилаётди.

(Давоми 2-бетда.)

Фракция йиғилишлари бўлиб ўтди

Олий Мажлис Қонунчилик палатасида сиёсий партиялар фракциялари ва Ўзбекистон экологик ҳаракати депутатлар гуруҳи йиғилишлари бўлиб ўтди. Уларда экспертлар, мутахассислар, жамоатчилик ҳамда ОАВ вакиллари ҳам иштирок этди.

ПАРЛАМЕНТДАГИ МУХБИРИМИЗ ХАБАР ҚИЛАДИ

Депутатлар томонидан Қонунчилик палатасининг навбатдаги мажлиси кун тартибига иккинчи ўқишда киритилаётган янги тахрирдаги “Электрон тижорат тўғрисида”ги, шунингдек, биринчи ўқишда кўриб чиқилмаган халқаро ҳужжатларни ратификация қилишга доир қонун лойиҳалари муҳокама этилди.

Янги тахрирдаги “Электрон тижорат тўғрисида”ги қонун лойиҳаси Ўзбекистон Республикаси Президенти Ислам Каримовнинг мамлакатимизни 2014 йилда ижтимоий-иқтисодий ривожлантириш

яқунлари ва 2015 йилга мўлжалланган иқтисодий дастурнинг энг муҳим устувор йўналишларига бағишланган Вазирлар Маҳкамасининг мажлисида белгилаб берган вазифаларига асосан ишлаб чиқилди. У республикада электрон тижорат соҳасини янада раванк топштиришга йўналтирилган.

Йиғилишларда тўхталиб ўтилганидек, айти пайтда давлат органлари ва ҳўжалик субъектлари, қолаверса, фуқароларнинг кундалик ҳаётига аҳборот тизимларини жорий этиш диққат-эътиборда

турибди. Зеро, бугунги кунда илгор инфратузилмаларсиз, аввало, аҳборот-коммуникация технологияларисиз иқтисодиётда таркибий ўзгаришларни амалга ошириб бўлмайди. Юртимизнинг жаҳон иқтисодий тизимига интеграцияси маҳаллий бизнес вакилларидан нафақат ички, балки ташқи бозорда ҳам аҳборот технологияларидан самарали фойдаланишни тақозо этаётди.

Янги тахрирдаги “Электрон тижорат тўғрисида”ги қонун лойиҳаси маҳсулотларини сотиш, электрон ҳужжат ва мурожаатлар кўмағида ишларни бажариш ҳамда хизматлар кўрсатиш учун қулай шaroитлар яратиш, шунингдек, электрон тижорат иштирокчилари ҳуқуқларини тўлақонли таъминлаш ва муҳофаза қилишнинг ҳуқуқий механизмларини ўрнатишга қаратилгани билан долзарбдир.

(Давоми 2-бетда.)

Навбатдаги вазифалар белгилаб олинди

Ўзбекистон Республикаси Давлат солиқ қўмитасида давлат солиқ хизмати органларининг 2015 йилнинг I чорагидаги фаолияти яқунларига бағишланган кенгайтирилган Хайъат йиғилиши бўлиб ўтди. Унда ҳудудий давлат солиқ органлари, тизим ўқув юртлири ва қўмита ҳузуридаги марказлар раҳбарлари иштирок этди.

ТАДБИР

Йиғилишда Ўзбекистон Республикаси Президенти Ислам Каримовнинг жорий йил 10 апрель куни Олий Мажлис палаталарининг қўшма мажлисидаги нутқи мазмун-моҳиятидан келиб чиқиб, давлат солиқ хизмати органлари томонидан амалга ошириладиган муҳим вазифалар белгилаб олинди.

Давлат солиқ хизмати органларининг асосий фаолият йўналишлари бўйича 2015 йилнинг I чораги натижалари, солиқ тўшумлари тўлиқлигини таъминлашда йўл қўйилган камчиликлар танқидий муҳокама қилиниб, II чорак учун зарур чора-тадбирлар ишлаб чиқилди.

(Давоми 2-бетда.)

ЎЗБЕКИСТОН РЕСПУБЛИКАСИ ТАШҚИ ИШЛАР ВАЗИРЛИГИ МАТБУОТ ХИЗМАТИНИНГ БАЁНОТИ

Ўзбекистон Республикаси Эрон Ислам Республикаси ва Эрон ядровий дастури бўйича халқаро воситачиларнинг “Оптилик гуруҳи” ўртасида 2015 йилнинг 2 апрель кунини Лозанна шаҳрида эришилган “Биргаликдаги кенг қамровли ҳаракатлар режасининг асосий параметрлари” бўйича келишувларни қўллаб-қувватлайди.

Глобал қуролсизланиш тизимининг ажралмас қисми бўлган Марказий Осиёда ядровий қуролдан холи ҳудуд тўғрисидаги шартноманинг имзоланиши ташаббускори бўлгани ҳолда,

Ўзбекистон оммавий қирғин қуролларининг тўлиқ йўқ қилинишини қатъий ёқлайди ҳамда жаҳон ҳамжамиятининг БМТ Низоми ва ЯҚТШ доирасида белгиланган тарқатилма тартибини ҳар томонлама таъминлашга қаратилган сазй-ҳаракатларини қўллаб қувватлайди.

Ўзбекистонда мазкур доиравий келишув халқаро тинчлик ва хавфсизликнинг мустаҳкамлашига жиддий ҳисса қўша оладиган кенг қамровли битимга эришиш учун мустаҳкам замин яратилишига умид қиладилар.

Қисқа

сатрларда

● Тошкент давлат стоматология институтининг Бухоро филиалида Президентимизнинг 2015 йил 26 мартдаги умумхалқ байрами — Хотира ва қадрлар кунига тайёргарлик кўриш ва уни ўтказиш тўғрисидаги фармойиши ижроси юзасидан “Жасорат, бурч, матонат” шиори остида учрашув ташкил этилди.

● Андижон вилоятининг барча туман ва шаҳрида “Саломатлик ҳафталиги” ўтказилмоқда. Ушбу тадбирга Иккинчи жаҳон уруши қатнашчилари, фахрийлар, пенсионерлар, шунингдек, Муруват, Меҳрибонлик уйлари, махсус мактаб-интернатлар тарбияланувчилари жалб қилинаёпти. Ҳафталик доирасида “Ҳамшира — 2015” кўрик-танловининг вилоят bosқичи голиблари ҳам тақдирланди.

● Фарғонада касб-хунар коллежлари битирувчилари бандлигини таъминлаш, уларни тадбиркорлик фаолиятига кенг жалб этиш масаласига бағишланган тадбир бўлиб ўтди.

● Термиз археология музейида музейлар бошқарувида ўқув дастурларини амалга ошириш масаласига бағишланган тадбир бўлиб ўтди. Унда ушбу маънавият масканларининг ҳуқуқий асослари, мутахассис кадрлар билан таъминлаш, хизмат кўрсатишнинг замонавий усулларини жорий этиш, қолаверса, болаларни музейларга жалб қилишда педагогик технологияларнинг ўрни ҳақида фикр-мулоҳаза алмашилди.

«Халқ сўзи» муҳбирлари хабарлари асосида тайёрланди.

Фракция йиғилишлари бўлиб ўтди

(Давоми. Бошланиши 1-бетда).

Қонун лойиҳаси замон талаблари ҳамда мамлакатнинг ижтимоий-иқтисодий тараққиёти истикболларига жавоб беради ва маҳаллий компаниялар томонидан электрон форматда бизнес юритиш учун самарали муҳит яратиш, уларнинг етказиб берувчилар ҳамда истеъмолчилар билан янада тўлиқ алоқаларга эришиши, маҳсулотлари ва хизматларини глобал бозорга чиқаришида катта аҳамиятга эга бўлади.

Ўзбекистон "Миллий тикланиш" демократик партияси фракцияси аъзолари томонидан янги таҳрирдаги "Электрон тижорат тўғрисида"ги қонун лойиҳаси миллий иқтисодиётга замонавий ахборот технологияларини фаол жорий қилишда салмоқли роль ўйнаши қайд этилди. Мазкур ҳуқуқий ҳужжат маҳаллий ишлаб чиқарувчиларга янада қулай шaroитларга тақдим қилишда катта туртки бўлади. Соҳага оид аниқ ташкилий-ҳуқуқий механизмларнинг яратилиши мамлакатимизда ишбилармонлик муҳити, инвестициявий иқлимни яхшилашга хизмат қилиб, маҳаллий тадбиркорларга жаҳон

бозоридан хорижий ишбилармонлар билан тенгма-тенг рақобатлаша олиш имконини беради.

Ўзбекистон Халқ демократик партияси фракцияси аъзоларининг фикрича, кўриб чиқилаётган қонун лойиҳаси электрон ҳужжатлар ва мурожаатлар кўмагида нафақат маҳсулотларни сотиш ҳамда хизматлар кўрсатишга, балки электрон тижорат иштирокчилари ҳуқуқлари ҳимояси учун қулай шaroит яратишга қаратилган. Ўз навбатида, у халқаро стандартларга мос юқори технологияли бозор инфраструктурасини барпо қилишда ўзига хос омилга айланади. Бинобарин, бизнес ривожига аҳоли фаровонлигини юксалтириш, унинг бандлигини таъминлаш, фуқаролар ижтимоий муҳофазаси самарадорлигини оширишнинг муҳим шартларидан биридир. Бу эса партиянинг дастурий вазифаларига муштаракдир.

Ўзбекистон "Адолат" социал-демократик партияси фракцияси аъзолари эътироф этганидек, қонун лойиҳасида мамлакатимизда электрон тижоратни янада тараққий топтириш ва қўллаб-қувватлаш назарда тутиляпти. Энг муҳими, шу асосда электрон савдо

амалиётлари транспарентлиги ортиб, қисқа вақт ичида фойдали шартномалар имзолаш имконияти таъминланади. Қонун лойиҳаси, аввало, иқтисодиётнинг либераллашуви ҳамда глобаллашуви шaroитида демократик бозор ислохотларини янада чуқурлаштиришга хизмат қилади. Шу билан бирга, давлат органлари ва ҳўжалик субъектлари кундалик фаолиятида ахборот технологияларини кенг қўллаш масаласига катта эътибор қаратиш лозим. Мазкур қонун лойиҳаси савдо операцияларини, чакана савдодан ташқари, асосан, биржа орқали амалга ошириш тизимига ўтишимизда алоҳида аҳамиятга эгадир.

Йиғилишлар якунида сиёсий партиялар фракциялари ва Экоҳаракат депутатлар гуруҳи аъзолари томонидан партиялар дастурлари ҳамда электротат манфаатлари, экспертлар фикр-мулоҳазалари инobatта олинган ҳолда, кўриб чиқилган масалаларни Олий Мажлис Қонунчилик палатаси мажлиси кун тартибига киритиш тўғрисидаги тақлиф қўллаб-қувватланди.

Самджон МАХСУМОВ.

Навбатдаги вазифалар белгилаб олинди

(Давоми. Бошланиши 1-бетда).

Дебиторлик ва кредиторлик қарзларининг ошиши сабаблари, солиқ қарзи ҳамда ортиқча тўловни қисқартириш, солиқ объектлари ва субъектларини тўлиқ ҳисобга олиш, солиқлар йиғилувчанлигини ошириш борасидаги ишлар аҳоли юзасидан Қорақалпоғистон Республикаси, Хоразм ҳамда Бухоро вилоятлари давлат солиқ бошқармалари бошлиқларининг ҳисоботи эшитилди.

Хайбат йиғилишида ҳудудий давлат солиқ хизмати органлари раҳбарлари зиммасига солиқлар ва бошқа мажбурий тўловларни бюджет ҳамда бюджет-

дан ташқари мақсадли жамғармаларга ўз вақтида тўлиқ йўналтириш мақсадида мавжуд қўшимча манбалардан самарали фойдаланиш, шу жумладан, жисмоний шахсларга тегишли солиқ объектларини тўлиқ ҳисобга олиш, солиқ тўловчиларнинг қонуний манфаатлари ва ҳуқуқларининг рўйбга чиқарилишида янада яқиндан ёрдам бериш, деҳқон бозорларида асосий турдаги озиқ-овқат ҳамда қишлоқ ҳўжалиги маҳсулотлари нарх-наволарни ўсишининг олдини олиш бўйича маҳаллий ҳокимлик ва бошқа идоралар билан биргаликда доимий назорат тадбирларини олиб бориш юзасидан аниқ

вазифалар юклатилди. Муҳокама натижалари бўйича, фаолиятида жиддий камчиликларга йўл қўйганлиги учун марказий аппарат тузилмалари ва ҳудудий давлат солиқ хизмати органлари раҳбарларидан 4 нафари эғаллаб турган лавозимидан озод этилди, 43 нафарига эса тегишли интизомий жазо чоралари қўлланилди.

Йиғилиш сўнгисида давлат солиқ хизмати органлари зиммасига юклатилган долзарб вазифаларнинг сифатли бажарилишини таъминлаш бўйича тегишли қарорлар қабул қилинди.

Давлат солиқ қўмитаси Ахборот хизмати.

(Давоми. Бошланиши 1-бетда).

Ўтган йили юртимизда 133 та тиббиёт муассасаси янгитдан қурилди ва реконструкция қилинди. Гулистон шаҳридаги вилоят онкология диспансери, Тошкент шаҳридаги Республика ихтисослаштирилган педиатрия илмий-амалий маркази, Андижон шаҳридаги кўп тармоқли вилоят тиббиёт маркази, Нукус шаҳридаги Республика силга қарши кураш диспансери ва бошқалар шулар жумласига қиради. Улар энг замонавий тиббиёт муассасаси эканлиги билан ажралиб туради. Айни пайтда Корея Республикаси ҳамкорлигида энг юқори технологиялар асосидаги тиббиёт асбоб-ускуналари билан жиҳозланган кўп тармоқли замонавий болалар тиббиёт маркази барпо этилмоқда.

"Кексаларни эъозлаш йили" Давлат дастури доирасида кекса аэлоб вакиллари, жумладан, 1941 — 1945 йиллардаги уруш ва меҳнат fronti фахрийларининг саломатлигини мустаҳкамлаш, уларга кўрсатиладиган тиббий ва ижтимоий хизматлар сифатини янада ошириш, зарур дори-дармон ҳамда тиббий воситалар билан таъминлаш бўйича ҳам аниқ чора-тадбирлар амалга ошириляпти.

Анъанавий тарзда ўтказиб келинаётган мазкур кўргазмалар тиббиёт ускуналари, фармацевтика, эстетик тиббиёт ва стоматология соҳасидаги энг сўнгги ютуқларни намойиш этиш, тажриба алмашиш, тиббиёт тизимини янада яхшилашнинг омиллаштиришга хизмат қилаяпти. Бу галги тадбирларда йиғирмата мамлакатдан 160 га яқин компаниялар ўз маҳсулотлари ҳамда хизматлари билан катнашмоқда. Хусусан, АҚШ, Ўзбекистон, Бельгия, Буюк Британия, Германия, Хиндистон, Италия, Хитой, Корея Республикаси, Польша, Финляндия, Франция, Чехия, Швейцария ва бошқа давлатлар компаниялари иштирокчиларга тиббий диагностика, лаборатория ва даволаш ускуна-

ИЛГОР ТИББИЙ УСКУНАЛАР, СИФАТЛИ ХИЗМАТЛАР

ри, табиий фармацевтика ҳамда косметика маҳсулотлари, рентгенология, стоматология, физиотерапия, жарроҳлик, кардиология, тиббий реабилитация ва бошқа соҳаларда қўлланиладиган янги препаратлар, техника ҳамда технологиялар, санитария ва гигиена воситалари, тиббиёт соҳаси учун махсус мебеллар, минерал қўшимчалар, шунингдек, махсус стендларда дори-дармонлар, витаминларни тақдим этишмоқда.

— Ўзбекистондаги қулай муҳит эътиборга лойик, — дейди Жанурий Кореянинг "DK" Medical

гулланиб келади. Ўзбекистонда эса ҳамкорларимиз талайгина. Ушбу кўргазма жараёнида ҳам маҳаллий тадбиркорлар билан манфаатли лойиҳалар устида фикрлашяпмиз, бизнес шартномалар тузаяпмиз.

Жорий йилги кўргазмалар доирасида илк бор "Тиббиёт туризми" шубҳаси ташкил этилди. Унда "University Medical Center Freiburg" (Германия), "Health and Travel" (Ўзбекистон) каби тиббиёт муассасалари соғломлаштириш хизматлари билан иштирок этапти.

аллергия ва бошқа кўплаб хасталиклар энг замонавий тиббий технологиялар воситасида даволанади. Муҳими, сиҳаттоғимиз сўлим гўша бағрида экани кўплаб беморларнинг касалликлардан фориғ бўлишлари билан бирга, қўшимча куч ва роҳат олишлари ҳам замин яратмоқда. Биз мазкур нуфузли кўргазмада катнашаётганимиздан хурсандмиз.

Халқаро "Стоматология — Stomatology Uzbekistan 2015" кўргазмаси ҳам юқори технологияли стоматология асбоб-ускуналарини ишлаб чиқариш ва ушбу йўналишда инновацион ечимларни яратиш бўйича жаҳоннинг энг илгор компаниялари ҳисобланган Германиянинг "Sirona Dental" компанияси маҳсулотлари билан бойиди. Бундан ташқари, махсус стендлар орқали замонавий протезлаш, тиш касалликларини даволаш технологиялари билан таъминлаш имконияти ҳам яратилган.

Давлатимиз раҳбарининг 2014 йил 22 июлдаги "Тошкент давлат стоматология институтини ташкил этиш тўғрисида"ги қарори бу борадаги тиббий таълим сифатини янада ошириш, етуқ мутахассислар тайёрлашга хизмат қилаётир.

Кўргазмалар давомида жаҳон тиббиёт сановатининг ютуқлари намойиш қилинмоқда ҳамда юртимиздаги тиббиёт муассасалари ходимлари, мутахассисларга энг замонавий техника ва асбоб-ускуналарни ишлашга билан боғлиқ маҳорат дарслари ўтиляпти. Анестезиология ва ультраовуш ташхиси жараёнлари билан боғлиқ масалалар муҳокама қилинапти.

Дилмурод СОДИҚОВ, «Халқ сўзи» мухбири.

Бахтиёр АКРАМОВ олган суратлар.



Systems" компанияси вакили Йеон Жевон. — Боиси мамлакатингизда хорижлик тадбиркорларнинг эркин фаолият юритиши учун барча имконият яратилган. Компаниямиз узоқ йиллардан буён рентген асбоб-ускуналарини ишлаб чиқариш ва экспорт қилиш билан шу-

— Муассасамиз бир қатор касалликларни даволашга ихтисослаштирилган, — дейди Польшанинг "Величка" сиҳаттоғи савдосотик ва тарғибот ишлари бўйича мутахассиси Ольга Зих. — Хусусан, нафас йўллари, астма, бронхит, ўпка касалликлари,

Журналистлар учун семинар

Нукусда БМТ Тараққиёт дастурининг "Орол денгизи инқирозини натижасида жабрланган аҳолининг ҳаёти ва фаолиятини таъминлаш" лойиҳаси доирасида "Экологик журналистика — барқарор ривожланиш сари" мавзусида семинар-тренинг ўтказилди.

Тадбир ЮНЕСКОнинг Ўзбекистондаги ваколатхонаси, Урганч давлат университети ва Хоразм агромаслаҳат маркази ҳамкорлигида ташкил этилди.

— Айни пайтда кенг жамоатчиликнинг мавжуд экологик муаммолардан хабардор қилишда оммавий ахборот воситаларининг ўрни беқиёс, — дейди Ўзбекистон экологик ҳаракати матбуот хизмати раҳбари Эркин Омонов. — Қолаверса, жур-

налистлар аҳолида экологик маданиятни шакллантиришда ҳал қилувчи кучга эгадир.

Тадбирда жаҳондаги экологик ҳолат ҳақида иштирокчиларга атрофлича маълумот берилди. Хусусан, дунё аҳолиси сонининг ортгани туфайли балиқ овлаш йилига 18 миллион тоннадан 100 миллион тоннага кўпайди. Ушбу маҳсулот захирасининг 75 фоизи бутунлай йўқ бўлиб кетиш арафасида. Ер юзиде фойдала-

ниладиган сувнинг асосий қисми қишлоқ ҳўжалиги ҳиссасига тўри келади. Бутун сайёрамиз бўйича ҳар катта ўнчи дараё кўйилдиган денгизга етиб бормаяпти.

Орол денгизининг қуриган қисми ўрнида 5,5 миллион гектардан ортиқ майдонда саҳро пайдо бўлди. Ундан кўтариляётган чанг ва захарли тузлар нафақат мазкур ҳудуд, балки қўшни олис минтақаларга ҳам хавф туғдирмоқда.

Тадбирда она-табиатни асраб-авайлаш ҳар бир инсон зиммасидаги маъсулятли вазифа эканлиги таъкидланди.

Хидоят АҲМЕДОВ, «Халқ сўзи» мухбири.

АНЖУМАН

Ижтимоий йўналтирилган бозор иқтисодиёти шaroитида суғурта хизматларига бўлган талаб ошиши табиий. Шу боис мамлакатимизда суғурта соҳасини ривожлантириш, тақдим этиляётган суғурта маҳсулотларини кўпайтиришга алоҳида эътибор қаратилмоқда.

Суғурта бозори ривожланмоқда

Бу борада суғурта бизнесини юритиш учун халқаро амалиётга мувофиқ келадиган барча шарт-шaroит яратилгани кутилган натижаларни бераётир. Ўзбекистон Миллий матбуот марказида "Ўзбекинвест" экспорт-импорт миллий суғурта компанияси томонидан ташкил қилинган матбуот анжуманида шулар ҳақида сўз юритилди.

Таъкидландики, кўрсатиляётган суғурта хизматлари кўламини кенгайтириш, сифатини яхшилашда "Ўзбекинвест" суғурта компанияси муносиб ҳисса қўляпти. Халқаро суғурта бозорининг фаол иштирокчиси саналган мазкур компания 14 та ҳудудий филиали, 125 та ҳудудий бўлими, шунингдек, мингга яқин суғурта агентларига эга. Улар орқали юртимизнинг барча минтақасида жаҳон амалиётида қўлланиладиган 100 дан ортиқ анъанавий суғурта хизмат турлари тақдим этилмоқда. Пировардида сўнгги беш йил ичида суғурта муқофотлари ва суғурта қопламалари деярли 3, олинган суғурта мажбуриятлари қийим 13, кичик бизнес ва хусусий тадбиркорлик субъектларининг манфаатларини суғурталаш бўйича мажбуриятлар эса олти баробар ўсди.

Компания томонидан "Кексаларни эъозлаш йили" Давлат дастуридан келиб чиқиб, кўриляётган чора-тадбирлар, хусусан, бахтсиз ҳодисалардан суғурта қилиш, тиббий суғурта бўйича шартномалар тузишда нуруний кишилар учун чегирмалар тақлиф этилмоқда. Шу каби янгиликлар самараси ўлароқ, жорий йилнинг биринчи чора-дага ҳам асосий кўрсаткичлар бўйича ўсиш сурьатлари таъминланди. Масалан, олинган суғурта мажбуриятлари ўтган йилнинг шу давридагига нисбатан 49 фоиз, йилгилан суғурта муқофотлари эса 32 фоиз ўсди.

Тадбирда компания томонидан халқаро суғурта тузилмалари билан ўрнатилган ҳамкорлик алоқалари, мажбурий суғурта турлари, суғурта даъволарини тартибга солишга доир масалалар бўйича атрофлича маълумот берилди.

С. ИБОДУЛЛАЕВ.

Изланувчан ишбилармонларга беқиёс рағбат



(Давоми. Бошланиши 1-бетда).

Ўз навбатида, фермер ва хунармандлар ҳам ташаббускорлиги ва изланувчанлиги туфайли аҳоли турмуш фаровонлигини ошириш, даромадини кўпайтириш пайдида бўлмоқдалар. Чунки давлатимиз томонидан бизнес юритиш учун яратиб берилётган қулай шарт-шaroитлар уларни истикболли лойиҳаларни амалга оширишга руҳлантирмоқда. Хусусан, Президентимиз ташаббуси билан анъанавий тарзда ўтказиб келинаётган "Ташаббус" кўрик-танлови кичик ва ўрта синф вакилларини ҳар томонлама қўллаб-қувватлаш, уларни моддий ҳамда маънавий жиҳатдан рағбатлантириш, илгор тажрибаларини оммалаштириш, ёшларда тадбиркорликка иштиёқ уйғотишга хизмат қилаётир. Сабаби, у республикамизда фаолият кўрсатаётган энг илгор

тадбиркор, фермер ва хунармандлар учун нафақат беллашув, балки ўзаро тажриба алмашиш, фаолиятига замонавий технологиялар, инновацион ишланмаларни жалб этиш, жаҳон бозорига чиқиш учун иқтисодий сабоқ вазифасини ўтапти. Ишбилармонларнинг унга бўлган қизиқиши тобора кучайиб, иштирокчилар сонининг йил сайин кўпайиб бораётганининг боиси шунда.

Ушбу нуфузли кўрик-танловни бу гал ҳам юқори савияда ташкил этиш ва ўтказиш мақсадида Ўзбекистон Савдо-саноат палатаси, Ўзбекистон Фермерлари кенгаши, "Хунарманд" уюшмаси, шунингдек, тегишли вазирлик ҳамда идоралар томонидан муайян ишлар амалга оширилмоқда. Бунда Вазирлар Маҳкамасининг 2015 йил 18 мартдаги "Ташаббус — 2015" кўрик-танловини ўтказишга доир фармойиши дастуриламал бўлиб хизмат қилаётир.

Мазкур ҳужжатга кўра, танловнинг дастлабки, яъни туман (шаҳар) босқичи жорий йилнинг 23 апрелигача, Қорақалпоғистон Республикаси, вилоятлар ва Тошкент шаҳар босқичлари эса 8 майгача ўтказилиши режалаштирилган. Унда голибликни кўлга киритган тадбиркор, фермер ва хунармандлар якуний босқичда ўзаро беллашдилар. Улар орасидан Президент соврини учун энг муносиб номзодни саралаб олиш мақсадида пойтахтимизда 28-29 май кунлари иштирокчилар томонидан ишлаб чиқариляётган маҳсулотлар кўргазмаси ташкил этилиши, голибларни тантанали тақдирлаш маросими эса 2015 йил 11 июнь кунини ўтказилиши мўлжалланмоқда.

Айни кунларда жойларда "Ташаббус — 2015" республика кўрик-танловининг дастлабки босқичлари қизгин тарзда уюштирилмоқда. Унда "Энг яхши тадбиркор", "Энг яхши фермер", "Энг яхши хунарманд" йўналишлари ва кўплаб қўшимча номинациялар бўйича голиблар аниқланиб, танловнинг кейинги босқичларида катнашиш учун йўлланмалар тақдим этиляпти.

Кеча Тошкент шаҳрининг Бектемир, Миробод ва Яшнобод туманларида кўрик-танловнинг кўйи босқичи бўлиб ўтди. Жумладан, Миробод туманида фаолият кўрсатаётган тадбиркорлик субъектлари орасидан 12 таси, хунармандлардан эса саккиз нафари

дастлабки босқичда ўз омаданин сивовдан ўтказди. Улар томонидан ташкил этилган кўргазмада кенг жамоатчилик вакиллари, туман аҳолиси ва меҳмонлар ҳам бўлди. Ташриф буюрувчилар бу ерда турфа хилдаги саноат маҳсулотлари, хунармандчилик буюмлари билан яқиндан танишиб, барча маҳсулотлар сифат кўрсаткичлари жиҳатидан хорижники билан бемалол рақобатлаша олишини эътироф этдилар.

"Asal Plastik" корхонаси — пойтахтимиздаги илгор ишлаб

Улар ёрдамида 100 дан ортиқ турдаги маҳсулотлар тайёрланиб, буюртмачиларга етказиб берилмоқда.

— Бугун тадбиркорларнинг эмин-эркин фаолият кўрсатиши учун барча шарт-шaroит яратиб берилган, — дейди ушбу корхона раҳбари Акрам Миркомиллов. — Уларнинг фаолиятига асосий аралашушига йўл қўйилмаяпти, ҳисоботлар тегишли тақдирларга электрон равишда тақдим этилмоқда, кредитлаш тизими соддалаштирилган



Шомурот ШАРАПОВ олган суратлар.

эса барчага маъқул бўляпти. Биз ҳам бу каби имкониятлардан оқилона фойдаланиб, ишлаб чиқариш ҳажминини ошириш, маҳсулот сифатини янада яхшилашга ҳаракат қилаяпмиз.

"Ташаббус — 2015" республика кўрик-танловининг туман (шаҳар) босқичи мамлакатининг энг юқори савияда давом этмоқда.

Самд РАҲМОНОВ, «Халқ сўзи» мухбири.

ЖАХОН 24 СОАТ ИЧИДА

Жорий йилда бир баррель нефть нархи 60 АҚШ доллари атрофида қолади. Келаси йилда эса унинг баҳоси 70 долларгача кўтарилиши мумкин.

Маҳсулот баҳоси бўйича тахмин

Жаҳон савдо ташкилотининг иқтисодий тадқиқотлар ва статистика бошқармаси иқтисодчиси Калеман Ни шундай фикр билдирди. Демак, "қора олтин"нинг қиймати 100 доллардан ошади, деган тахминлар ҳақиқатдан йироқ.

Юкхонада қолиб кетган экан

Сиэтлдан Лос-Анжелесга парвозни амалга ошираётган АҚШнинг "Alaska Airlines" авиакомпаниясига қарашли "Boeing 737" самолёти аэропортга қайтишга мажбур бўлди.



Манбада айтилишича, ҳаво лайнери юкхонасида тақилланган овоз эшитилган бошлагани сабабли унинг капитани хавфсизлик нуқтаи назаридан шундай қарор қабул қилган.

Овлашга рухсат берилади


Жорий йил охирига бориб япониялик денгизчиларга Антарктикадан китларни овлашга қайтадан рухсат берилиши мумкин.



туфайли овчиларга рухсат бериш китларнинг камайиб кетишига олиб келмаслигига ишонтирмоқчи. Маълумки, кит гўшти Япония аҳолиси севиб истеъмол қиладиган таомлардан ҳисобланади.

Ажабтовур сўровнома

Буюк Британиянинг "Matalan" агентлиги томонидан галати ижтимоий сўров ўтказилди.



Унда мамлакат аҳолисида "Сизга ким кўпроқ яқинроқ, қариндошингизми ёки ўй ҳайвонларингизми?" дея сўралди. Яқунда жами иштирокчиларнинг 60 фоизи эри ёки хотинини биринчи ўринда кўришини билдирган.

Бир жамоада тўп суриши мумкин

"Барселона" ва "Реал Мадрид" футбол клублари (Испания) етакчи ҳужумчилари Лионель Месси ҳамда Криштиану Роналдунинг бир жамоада тўп суриши эҳтимоли бор, дейилди "Mundo Deportivo" нашрида.



Ушбу ҳолат УЕФА томонидан Европа лигаларининг энг кучли ўйинчилари иштирокида ўтказилиши режалаштириляётган беллашувда кузатилиши мумкин. Ташкилот бу борада ҳар йили шундай томоша дастурлари уюштирадиган Миллий баскетбол уюшмаси ва Миллий хоккей лигасидан ўрناق олмоқчи.

Хориж матбуоти хабарлари асосида тайёрланди.

ҚАРОР ВА ИЖРО

Давлатимиз раҳбарининг 2012 йил 10 декабрда қабул қилинган "Чет тилларни ўрганиш тизимини янада такомиллаштириш чора-тадбирлари тўғрисида"ги қарори навқирон авлодни замон талабларига жавоб берадиган етук мутахассислар этиб тарбиялашда муҳим аҳамиятга эга.

Чет тилларни ўқитиш:

Замонавий услуб, самарали ҳамкорлик

— Мутахассислар чет тилларни болаликданок эгаллаб бориш энг тўғри ҳамда самарали эканлигини кўп бора таъкидлашади, — дейди туман халқ таълими муассасалари фаолиятини методик таъминлаш ва ташкил этиш бўлими услубчиси Нилуфар Ишқувватова. — Шу маънода айни пайтда 1, 4-синфларнинг ўқув режасига ҳафтасига 2 соатдан чет тили машғулотлари киритилгани айни мўъжаз бўлди.

Одатда, мактаб ёшидаги болалар табиатан ўйинқароқ бўлади. Уларнинг дарсга қизиқиши, фаол қатнашиши, ўйга берилган вазифаларни мустақил, ўз вақтида тайёрлашига эришиш учун ўқитувчи интерфаол усуллардан

имкониятларини янада кенгайтирмоқда. Хусусан, айни пайтда Пискент туманидаги 50 дан ортик умумий ўрта таълим мактабида асосан инглиз, шунингдек, немис ва француз тилларидан сабоқ бериляпти.

гогика университетининг етакчи профессор-ўқитувчилари билан яқиндан ҳамкорлик қилинмоқда. — Мактабимизда инглиз тили фанидан туманимизда "Маҳорат мактаби" деб танланди, — дейди педагог. — Бу зиммамизга катта масъулият юклайди.



таълим мактабларининг чет тили кабинетларини замонавий ахборот-коммуникация ва ўқитишнинг техник воситалари ва анжомлари билан жиҳозлаш" лойиҳаси амалга оширилмоқда.

НАФОСАТ

Гуллар шахри, дея эътироф этиладиган Наманганда гўзалликка ошурфта инсонлар кўп. Шу боис бу кентнинг ҳар бир хонадони чаманзорни эслатади.

Ҳамиша бахридидингизни очадиган ана шундай дилтортир манзиллардан бири Сардоба даҳасида жойлашган. Эрта баҳордан то кеч кузгача бу ерга кирсангиз, димоғингизга урилган ёқимли бўйдан ажиб роҳат оласиз.

Гул бир ён, чаман бир ён...

сида ҳар мавсумда уч минг тупдан ортик гул етиштирилади. Улар орасида оддий атиргулдан тортиб, эндиликда заманимиз тупроғида яйраб илдиш отаётган магнолиягача бор.

рилиши гулчиликни оилавий бизнеснинг самарали турига айлантириш имкониятини яратди, — дейди А. Султонов. — Шу сабабли ҳозир касб-коримиз ортидан топганимиз рўзгоримизга барака, ҳаётимизга мазмун киритмоқда.

Тежаб қолинган маблағ

Мамлакатимизда кичик бизнес ва хусусий тадбиркорликни ривожлантириш ҳамда соҳа раванқи учун қулай сармовий муҳит яратишга катта эътибор қаратишмоқда.

«RESPUBLIKA MULK MARKAZI» АЖ
 бошланғич баҳоси босқичма-босқич ошиб бориш тартибда ўлказиладиган очиқ аукцион савдоларига таклиф этади.

Аукцион савдосига Ўзбекистон Республикаси Бош прокуратураси ҳузурдаги Солиқ, валютага оид жиноятларга ва жиноий даромадларни легаллаштиришга қарши курашиш департаменти Тошкент вилояти бошқармасининг 2015 йил 13 апрелдаги 13/6-346-15-сонли буюртманомасига асосан хатланган, Тошкент шаҳри, Яққасарой тумани, Фарҳод кўчаси, 10-«А» уйда сақланган қўйдаги автотранспорт воситалари кўйилмоқда:

1. «Chevrolet Niva» русумли, давлат рақами 01/769 СА, 2005 йилда ишлаб чиқарилган.
2. «Nexia DONC» русумли, давлат рақами 01/775 СА, 2003 йилда ишлаб чиқарилган.

Бошланғич баҳоси — 16 725 000 сўм.

Бошланғич баҳоси — 14 965 000 сўм.

Аукцион савдоси 2015 йил 19 май куни соат 11.00 дан бошлаб ўтказилади. Аризалар иш кунлари соат 10.00 дан 16.00 гача қабул қилинади (соат 13.00 дан 14.00 гача тушлик вақти). Аризаларни қабул қилишнинг охири мuddати — 2015 йил 15 май куни соат 18.00. Автотранспорт воситалари 19 май кундаги савдода сотилмаган тақдирда, уларнинг такрорий аукцион савдолари 29 май ва 8 июнь кунлари соат 11.00 да бўлиб ўтади. Такрорий аукцион савдолар учун аризаларни қабул қилишнинг охири мuddати: 29 майдаги савдо учун — 27 май, 8 июндаги савдо учун — 5 июнь куни соат 18.00.

Аукцион савдосида голиб деб топилган шахсга 5 иш куни ичида сотувчи билан олди-сотди шартномасини тузиш мажбурияти юклатилади. Аукцион савдосида қатнашиш учун ариза, зақалат пули тўланганлиги ҳақидаги тўлов ҳужжати нусхаси, вакиллар учун ишончнома тақдим этилади.

Талабгорлар савдо ташкилотчиси билан тузиладиган зақалат келишувига асосан, мулк бошланғич баҳосининг 20 фоизидан кам бўлмаган миқдордаги зақалат пули «Respublika mulk markazi» АЖнинг АИТБ «Ипак йўли» банки «Сағбон» филиалидаги қўйдаги ҳисоб рақамига тўлашлари шарт: 20210000300571452114, МФО: 01036, СТИР: 200933850.

Аризаларни қабул қилиш ва савдо ўтказиш манзили: Тошкент шаҳри, Олмазор туман, 1-Корақамиш кўчаси, 1-«А» уй. Телефон: (0-371) 228-79-52. Гувоҳнома № 001580.

ДИАГНОСТИКА ЖИҲОЗЛАРИ
 Маҳсулотларни Тошкентдаги омордан сўмда, пул ўтказиш йўли билан олиш мумкин.

- Автотатик биокимё анализатор реагентлари билан
- Иммунофермент анализатори
- ИФ-анализатор учун ювиш аппарат-автомати
- Гематологик анализатор реагентлари билан
- Стерилланган вакуумли пробиркалар (Kima, Италия)

Ўрниятиб берилади, қафолат даврида ва қафолат мuddатидан кейин хизмат кўрсатилади.

Манзил: «GLOBAL IMPEX» МЧЖ, 100015, Тошкент ш., Яққасарой тум., Минглар к., 6-уй. Тел./факс: (0-371) 281-49-20, 280-52-70, 253-99-45. www.globalimpex.uz e-mail: globalimpex@litel.uz

Ўзбекистон Республикаси Марказий банки ахбороти

Ўзбекистон Республикаси Марказий банки 2015 йил 14 апрелдан бошлаб валюта операциялари бўйича бухгалтерия ҳисоби, статистик ва бошқа ҳисобовларни юритиш, шунингдек, божхона ва бошқа мажбурий тўловлари учун хорижий валюталарнинг сўмга нисбатан қўйидаги қийматини белгилади:*)

1 Австралия доллари	1897,42	1 Россия рубли	48,99
1 Англия фунт стерлинги	3655,23	1 Украина гривнаси	109,34
1 Дания кронаси	354,81	1 Малайзия рингити	675,82
1 БАА дирҳами	681,23	1 Польша злотийси	659,27
1 АҚШ доллари	2501,87	1 СДР	3429,16
1 Миср фунти	327,90	1 Туркия лираси	949,40
1 Исландия кронаси	18,11	1 Швейцария франки	2554,23
1 Канада доллари	1983,41	1 евро	2739,95
1 Ҳитой юани	402,62	10 Жанубий Корея вонни	22,78
		10 Япония йенаси	207,73

*) Валюта қийматини белгилаш чоғида Ўзбекистон Республикаси Марказий банки мазкур валюталарни уйбу қийматда сотиш ёки сотиб олиш мажбуриятини олмасан.



Абдурашид ФАТТАЕВ, Самарқанд шаҳридаги "Afrosiyob panganda" масъулияти чекланган жамияти раҳбари:

— Давлатимиз томонидан банк тизимига алоҳида эътибор қаратилиб, соҳага замонавий ахборот-коммуникация технологиялари кенг жорий этилаётгани молия муассасалари томонидан тақдим қилинаётган хизмат турлари кўпайишида муҳим ўрин тутмоқда. Биз ҳам ана шундай имкониятдан фойдаланиб, фаолиятимизни кенгайтириб бораёламиз. Корхонамиз паррандачиликка ихтисослаш-

Гайратжон МИРЗАЖОНОВ, ёш тадбиркор (Олтиариқ тумани):

— Коллежни битириш арафасида менда тадбиркорлик билан шуғулланиш истаги туғилди. Ана шу даврда мустақил ҳаётга қадам қўяётган биз, ёшларни кўллаб-қувватлаш учун "Асака" банки ходимлари ўқув муассасамизга келишди. Мулоқот чоғида банк томонидан тақдим этиладиган кредит маблағлари асосида ўз бизнесимизни бошлашимиз мумкинлигидан хабардор бўлдик. Шундан сўнг молия муассасаси кўмағида

Ким Санг ИЛ, "UzSungWoo" кўшма корхонаси бош директори (Андижон вилояти):

— Ўзбекистон — юсак иқтисодий салоҳиятга эга мамла-

Тадбиркорликнинг қирралари кўп, имкониятлари эса беқийс. Келгусида халқимиз фаровонлигига муносиб ҳисса қўшиш йўлида мавжуд имкониятларимизни ишга солишимиз. Албатта, навбатдаги истиқболли лойиҳаларимиз рўйида ҳам "Асака" банки сармоялари хал қилувчи ўрин тутшига ишонамиз.

Тадбиркорликнинг қирралари кўп, имкониятлари эса беқийс. Келгусида халқимиз фаровонлигига муносиб ҳисса қўшиш йўлида мавжуд имкониятларимизни ишга солишимиз. Албатта, навбатдаги истиқболли лойиҳаларимиз рўйида ҳам "Асака" банки сармоялари хал қилувчи ўрин тутшига ишонамиз.

Рустам АБИДОВ, Тошкент шаҳридаги "BekMega Textile" масъулияти чекланган жамияти раҳбари:

— Юртимизда кичик бизнес ва хусусий тадбиркорлик ривожлантиришга қаратилган туб ислохотлар иқтисодиётимиздаги чуқур таркибий ўзгаришларнинг муҳим асоси бўлиб хизмат қилмоқда. Натижада соҳа вақиллари учун кенг имконият ҳамда имтиёзлар яратилиб, улар томонидан тайёрланаётган рақобатбардор маҳсулотлар ички ва ташқи бозордан мустақкам жой эгаллапти. Табиийки, ана шу жараёнда мамлакатимиздаги тижорат банкири томонидан ажратилаётган кредит маблағлари хал қилувчи аҳамият касб этаётди. Хусусан, Президентимизнинг 2010 йил 26 ноябрда қабул қилинган "2011 — 2015 йилларда республика молия-банк тизимини янада ислоҳ қилиш ва барқарорлигини ошириш ҳамда юқори халқаро рейтинг кўрсаткичларига эришишнинг устувор йўналишлари тўғрисида"ги қарори бу борадаги ишлар қамровини кенгайтиришда дастуриламал бўлмоқда.

Маълумки, молия муассасаларининг инвестициявий фаолияти уларнинг салоҳияти, хизмат кўрсатиш даражасини белгиловчи мезондир. Зеро, каттага кичик корхоналар, тадбиркорлик субъектлари ишлаб чиқаришни барқарорлаштириш ҳамда кенгайтиришда бевосита банклар кўмағига таянадилар. Мазкур ҳаётий талаб ва эҳтиёжлардан келиб чиқиб, "Асака" давлат-акциядорлик тижорат банки жамоаси ҳам ишбилармонларимизни кўллаб-қувватлаш, сановат тузилмалари фаолиятини такомиллаштириш орқали маҳаллий маҳсулотлар тайёрлаш ҳажми ва сифатини оширишга муносиб ҳисса қўшмоқда.

Чунончи, жорий йилнинг биринчи чорағида молия муассасаси томонидан ушбу мақсадлар рўйида учинчи жами 255,5 млрд. сўмдан зиёд кредитлар ажратилди. Шундан 25,9 млрд. сўми аёллар тадбиркорлиги, 39,5 млрд. сўми хизмат кўрсатиш ва сервис соҳаси, 2,2 млрд. сўми оилавий тадбиркорлик ҳамда хунармандчиликни ривожлантириш, 1,4 млрд. сўми таълим муассасалари битирувчилари бизнес-лойиҳаларини кўллаб-қувватлаш, 137,4 млрд. сўми озиқ-овқат ва ноозик-овқат товарлари ишлаб чиқарувчи ишбилармонлар лойиҳаларини молиялаштиришга йўналтирилди. Жами сармояларнинг 18,8 млрд. сўмини микрокредитлар ташкил этди. Пировадидида кўллаб иш ўринлари яратилиши баробарида, жойларда янги-янги хизмат кўрсатиш муассасалари ташкил этилди, маҳаллий маҳсулотлар ҳажми ортиб, ички бозор арзон ва сифатли истеъмол товарлари билан тўлдирилди.

Бинобарин, хотин-қизларни иқтисодиётимиз тармоқлари, жумладан, оилавий бизнесга жалб этишга қаратилган чора-тадбирлар ижросида ҳам "Асака" банки ўз сармоялари билан фаол иштирок этмоқда. Жорий йилнинг март ойида пойтахтимиздаги "Ўзқўрғазмасавдо" марказида банк технологиялари, асбоб-ускуналари ва хизматлари "BankEXPO — 2015" VIII миллий кўрғазмасида мазкур молия муассасасининг "Аёллар тадбиркорлигини кўллаб-қувватловчи энг яхши банк" номинацияси ғолиби, деб топилгани ҳам бунга яққол тасдиқлади. Умуман, банк томонидан йил давомида кичик бизнес ва хусусий тадбиркорликни ривожлантириш учун жами 1 трлн. 168 млрд. сўм миқдорда кредитлар ажратилиши режалаштирилган. Бу эса кўллаб истиқболли лойиҳалар рўйида кенг йўл очди, деганидир.

Бунга мазкур молия муассасаси кредитларидан унумли фойдаланиб, ўз бизнесини муваффақиятли йўлга қўйган тадбиркорларнинг қуйидаги дил сўзларидан ҳам билиш мумкин.

ТАДБИРКОРЛИК РИВОЖИ — ТАРАҚҚИЁТ ГАРОВИ

Жорий йилнинг I чорағида банк томонидан хотин-қизлар тадбиркорлигини ривожлантириш учун **25,9** миллиард сўм маблағ йўналтирилди.



тирилган. Ўтган даврда "Асака" банки кредитлари асосида янги лойиҳаларни рўйбга чиқардик. Ажратилган сармоя эвазига замонавий ускуналар харид қилдик. Ўз навбатида, ҳамшаҳарларимиздан 8 нафарини иш билан таъминладик. Келгусида янги йўналишларда ҳам бизнес-режаларни амалга оширишни мўлжаллаяёмиз. Бунда, албатта, яқин ҳамкоримиз — "Асака" банки кўмағига таянамиз.

Отакул ЖОНКУЛОВ, Қарши туманидаги "Қашқадарё балиқчилик" масъулияти чекланган жамияти раҳбари:

— Қарши туманидаги сув ҳавзаларида ҳар мавсумда қарийб 380 минг дона зогора, оқамур каби балиқ турларини етиштиришимиз. Бироқ уларни аҳолига сифатли ҳолда етказиб бериш борасида бир оз кийналаётгандик. Шу боис замонавий музлаткич барпо этиш мақсадида "Асака" банкига мурожаат қилдик. Муассаса мутаассадилари қисқа мuddатда лойиҳамизни кўриб чиқиб, молиялаштиришга қарор қилди. Шу тариқа банк кредитига ўз сармоямизни қўшиб, фаолиятимиз самарадорлигини оширишга эришдик. Ўз навбатида, тўртта қўшимча иш ўрни яратилди.

Шуни алоҳида қайд этиш лозимки, виллоятимизда балиқчилик тармоғи жадал суратлар билан ривожланыапти. Янги музлаткичимиз виллоятимиз аҳолиси дастурхони тўқинлигини таъминлашга хизмат қилади.

томорқа хўжалигимизда иссиқхона ташкил қилиб, туманимиз аҳолисининг қишлоқ хўжалиги маҳсулотларига бўлган эҳтиёжини таъминлашга киришдик. Ҳозир даромадимиз ҳисобидан фаолиятимизни кенгайтириш чораларини кўраёламиз. Албатта, бундай имкониятни яратиб беришга ҳисса қўшгани учун "Асака" банки жамоасига алоҳида миннатдорлик билдирамиз.

кат. Юртингизда яратилган қулай ва жозибдор инвестициявий муҳит чет эллик сармоядорларни ўзига тобора кенгрок жалб қилмоқда. Таҳлилларимизга кўра, юртингизда барча тармоқлар, шу жумладан, автомобилсозлик сановатини янада жадал ривожлантириш учун барча имконият мавжуд. Зеро, миллий автомобилларнинг сифати ва хавфсизлиги жиҳатидан жаҳон андозаларига тўлиқ жавоб беради. Меҳнат ресурслари, бой хом ашё базаси, аҳолининг юқори талаб ҳамда эҳтиёжи ва давлат кўмағи сингари муҳим омиллар бу тармоқ гоянда истиқболли эканлигини тасдиқлайди.

Шу сабабли 2011 йилда "GM Uzbekistan" кўшма корхонаси маҳсулотлари учун эҳтиёт қисмлар тайёрлашни йўлга қўйдик. Фаолиятимизни кен-

тирди. Унинг кредити туфайли маҳсулотларимиз ҳажмини бир неча баробар кўпайтиришга ва сифатини яхшилашга муваффақ бўлдик. Чунончи, ўтган йилги "GM Uzbekistan" автомобиллари учун 80 мингдан ортиқ эҳтиёт қисмлар жамланмасини етказиб бердик, шунингдек, 100 дан зиёд иш ўринлари яратдик. Ушбу банк билан келгусида ҳамкорлигимизни янада изчил давом эттиришдан манфаат таъминладик.

Хулоса ўрнида шунни айтиш мумкинки, "Асака" давлат-акциядорлик тижорат банки ани кунларда иқтисодий ислохотларни чуқурлаштириш, миқдорларнинг талаб ва эҳтиёжларини қондириш, тадбиркорлик ҳамда фермерлик ҳаракатини кенгайтириш йўлида қизгин фаолият юритмоқда. Бу эса унинг мамлакат молия бозоридидаги мавқеини янада мустаҳкамлаб, белгиланган устувор вазифалар ижросини таъминлашда муҳим аҳамият касб этаётди.

Банк материаллари асосида Ф. БҮТАЕВ тайёрлади. Хизматлар лицензияланган.

Ёшлик оҳанглари

Ёшлар ижод саройида "Қуйла, ёшлигим" республика телевизион танловининг Тошкент вилояти босқичи бўлиб ўтди.

Ёш истеъдод соҳибларини излаб топиш, уларнинг иқтидорини юзага чиқариш ҳамда рағбатлантириш мақсадида ташкил қилинган тадбирда пойтахт вилоятининг барча туман ва шаҳарларидан ҳаваскор хонандалар иштирок этди.

Эътиборли жиҳати, танлов нафақат истеъдодли йигит-қизларни кашф қилиш, балки ўзбек миллий эстрада санъатининг ўзига хос аъёнларини кенг тарғиб этишга ҳам хизмат қилмоқда. Қатнашчиларнинг овоз ва обод Ватан, ёшлик шижоати, беғубор туйғулар тараннум этилган қўшиқлари нуфузли ҳакамлар ҳайъати томонидан баҳолаб борилди. Яқунда энг юқори натижага эга бўлган номзодлар танловнинг финал босқичида қатнашиш ҳуқуқини кўлга киритди.

Кумушбиби ЭРМАМАТОВА.

Маданият хабарлари

Ўзбекистон Маданият ва спорт ишлари вазирлиги, Республика халқ ижодиёти ва маданий-маърифий ишлар илмий-методик маркази ҳамда қатор ташкилотлар ҳамкорлигида ўтказилган "Майдон томошалари санъати" республика фестивали якунланди.

Миллий ўйинлар завқи

Икки йилда бир мартаба ташкил этиб келинаётган мазкур тадбир халқ томоша санъати, хусусан, дорбозлик аъёнларини асраб-авайлаш, кенг тарғиб қилиш ҳамда ривожлантиришга қаратилгани билан диққатга сазовор.

Таъкидланганидек, фестивалнинг бу йилги ҳудудий босқичининг дастлабкиси Наманган шаҳрида бўлиб ўтди. Унда Фарғона, Андижон ва мезбон вилоят дорбозлари ҳамда миллий цирк гуруҳлари қатнашди. Самарқанддаги ҳудудий босқичида эса Қорақалпоғистон Республикаси, Қашқадарё, Сурхондарё, Навоий, Бухоро, Сирдарё, Тошкент ва Самарқанд вилоятларида фаолият кўрсатаётган дорбозлар жамоалари, ҳаваскор цирк санъати гуруҳлари ўз маҳоратларини синовдан ўтказдилар.

Дилфуза ҚАРШИБОВЕВА.

Қадриятлар тараннуми

Наманганда "Қадрият, урф-одат, аънава ва ёшлар" шиори остида ёшлар фестивали ўтказилди.

Унда йигит-қизлар тасвирий ва амалий санъат, хунармандчилик, спорт ҳамда маданият соҳаларида ўз иқтидорини намойиш этди.

Фестиваль доирасида "Биз — соғлом турмуш тарафдоримиз!" шиори остида ёш спортчиларнинг миллий кураш бўйича кўрғазмали чиқишлари уюштирилган бўлса, "Ошга марҳамат" танловида иштирокчилар ошпазлик маҳоратини синовдан ўтказдилар. Шунингдек, "Миллий қадриятлар — меннинг нигоҳимда" расмлар танлови ёш мўйқалам усталари учун маҳорат сабоқлари вазифасини ўтади.

Ёш тадбиркорлар кўрғазмаси, фольклор жамоалар, "Камалак юлдузлари" болалар ижодиёти фестивали ғолиблари иштирокидаги куй-қўшиқлар ҳам тадбирга байрамона руҳ бағишлади.

Назокат АҲМЕДОВА.

«TOU Co.LTD» Ўзбекистон — Жанубий Корея кўшма корхонаси

«UNIVERSAL SERVICES of CENTRAL ASIA» хорижий корхонаси

маҳсулоти курилиш техникаларини тақлиф этади.

маҳсулоти курилиш техникалари эҳтиёт қисмларини ва сервис хизматларини тақлиф этади.

DOOSAN

www.doosaninfracore.uz

Маҳсулотлар сертификатланган, хизматлар рўйхатга олинган.

Манзил: 100039, Тошкент ш., Юнусобод т., Чинобод к., 87-уй.

Савдо бўлими
Тел.: (+99871) 200-00-27/28. (+99890) 805-60-52/53. E-mail: doosansales@uztow.com

Сервис хизмати
Тел.: (+99871) 200-00-26, (+99890) 189-71-54, 968-71-79. E-mail: servicedoosan@uztow.com

РЕКЛАМА ВА ЭЪЛОНЛАР

«Қибрай» клиник санаторийси

юрак-қон томир ва асаб тизими касалликларини даволаш бўйича мамлакатимиздаги етакчи иқтисодлаштирилган сўхатгоҳдир. Бу ерда 2 нафар профессор, олий тоифали кардиолог, невропатолог, пульмонолог ва бошқа етук мутахассислар тиббиётнинг энг ялғор усуллари асосида беморларни даволайдилар.

Фин, турк, япон сауналари, бассейн ва яна кўплаб қулайликлар мавжуд. Яшаш хоналари кабель ТВ ва машиный электр асбоблари билан жиҳозланган.

Ошхонада 5 маҳал парҳез таомларни ўз ичига олган таомнома тавсия қилинади.

Манзилимиз:
Тошкент вилояти, Қибрай тумани, Қибрай қўрғони.
Метронинг «Булок Илак йўли» бекатидан 101-автобус ёки 135-йўналишли таксида «Дача» бекатига бориш мумкин.
Тел.: (0-371) 286-01-46, 286-02-00, 286-01-97.

«ХАЛҚ СЎЗИ»га ЭЪЛОНЛАР

9.00 дан 18.00 гача
232-11-15,
236-09-25.
E-mail: reklama@xs.uz

Дори воситалари ва тиббий техника сифатини назорат қилиш бош бошқармаси жамоаси Дори воситалари экспертизаси ва стандартизацияси давлат маркази ҳуқуқшуноси Гулбахор Бабаджановага волидаи муҳтарамаси

Пошша МАДРАҲИМОВанинг вафоти муносабати билан чуқур таъзия изҳор этади.

Абу Райхон Беруний номидаги Тошкент давлат техника университетида "Иқтидорли ёшларнинг фан ҳафталиги" доирасида "Фан ва техника тараққиётида интеллектуал ёшларнинг ўрни" мавзусида илмий-амалий анжуман бўлиб ўтди.

Халқ сўзи Народное слово

МУАССИСЛАР:
Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вазирлар Маҳкамаси

ТЕЛЕФОНЛАР:
Девонхона 233-52-55;
Котибият 233-10-28; Эълонлар 232-11-15.

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 467. 120 785 нусхадда босилди, ҳажми — 2 табоқ, Офсет усулида босилган. Қоғоз бичими А—2. Баҳоиси келишилган нархда.

Газетамиз ҳақидаги маълумотларни кўлаб олиш учун QR-коднинг телефонингиз орқали сканер қилинг.

ISSN 2010-6788

Тахририятга келган қўлёзмалар тақриз қилинмайди ва муаллифга қайтариб бериб берилмайди.

Реклама материаллари учун тахририят жавобгар эмас.

Газета тахририят компьютер марказида терилди ҳамда оператор Ж. Тоғаев томонидан саҳфаланди.

МАНЗИЛИМИЗ:
100000, Тошкент шаҳри, Матбуотчилар кўчаси, 32-уй.
Навбатчи муҳаррир — М. Жонихонов.
Навбатчи — Д. Солиқов.
Мусахҳах — Ш. Машраббоев.

«Шарқ» нашриёт-матбаа акциядорлик компанияси босмаҳонаси. Корхона манзили: «Буёқ Турон» кўчаси, 41. ЎЗА якуни — 21.40

Тошпирилди — 22.20 1 2 3 4 5